



Original perfect, well worn &
short soft books for regular practice
Antennae very fine

NEW
WHAT'S

Jos. L. Miller, M. D.,
Thomas,
West Virginia.

Robt — — — — — Walker.

SIR GEORGE BAKER, BART.

PHYSICIAN TO HER MAJESTY,

PRESIDENT OF THE COLLEGE OF PHYSICIANS,

AND

FELLOW OF THE ROYAL SOCIETY,

THIS WORK

IS INSCRIBED

AS A MARK OF ESTEEM,

BY HIS FRIEND, AND

HUMBLE SERVANT,

LEICESTER-SQUARE,
MARCH 30, 1786.

JOHN HUNTER.

Necnon Viro Illustri,

G U L I E L M O S H I P P E N, M. D.

Rei Anatomiae in Academia Pensylvaniensi Professori,

Ob fructus manifestos e praelectionibus ejus publicis perceptos;

Et amicitiam et attentionem singularem,

Qua eum dignatus est;

Denique,

Fratri suo carissimo,

R I C A R D O W A L K E R,

Propter amorem, qui inter eos nunquam non intercessit,

Mutuum;

Hanc Dissertationem Medicam Inauguralem,

Ea, qua par est,

Observantia,

D. D. C.

R O B E R T U S W A L K E R.

HEPTAS SECVN-
DA IN EVANGELIVM
IOANNIS.

Per Vuolfgangum Musculum
Dufanum.

CLARISSIMO PRINCIPI, D. OTTONI HEINRI

CHO COMITI PALATINO AD RHENVM, &c. DO-
MINO SVO PLVRIMVM OBSERVANDO, VVOL-
GANGVS MVSCVLVS GRATIAM A CHRI-
STO COMMVNIS SERVATORE.



AUD abs re, Princeps Magnificentissime, mortalium hoc est animis diuinitus inditum, ut Principes uiros tanquam præstantiora generis nostri capita, partim natalibus illustrioribus, partim ordine electionis, nō sine cōsilio numinis sublimata, usq; adeò suspiciamus, ut haud temere nobis Magnificentiam eorum adeundam esse iudicemus. Etenim et si natura nobiscum communicant, uoluit tamen Diuina prouidentia hanc esse illorum eminentiam & Maiestatem, ut ab inferioris ordinis hominibus spt ritu submissionis suspiciantur. Magno sane consilio Dei ista uobis Princibus ac præpotentibus uiris collata est in hoc mundo authoritas, quā utinam intelligent omnes, cūm qui præsunt alijs, tum qui illorum sunt excellentiæ subiecti. Illis dicitur à Propheta: Et nunc Reges intelligite, erudimini qui iudicatis terram: seruite Domino in timore, & exultate ei cum tremore: osculamini filium, &c. Istis præscribitur ab Apostolo, ut sint obedientes ac subiecti, nisi ordinationi diuinæ magno suo malo resistere uelint. Sapienter, & ad eundem scopum utrumque. Is autem est, ut non solū regnent in hoc seculo Principes, ac nutibus illorum pareant plebes: sed & ut genus mortalium, gubernaculis illorum subditum, uitam agere posset & piam & tranquillam: piam, qua per fidem & cognitionē ueritatis Christi æternæ simus salutis participes: tranquillam, qua suppressa reproborum hominum impietate, malicia, iniuitate & temeritate, mutuis inter nos ac necessarijs commercijs coniunctim agere, uitam banc sustentare, liberos honeste procreare, procreatōs alere, ac competentem totius humani coniuctus statuumq; nostrorum harmoniam pariter & publicam honestatem, Christiani nominis professione dignam, retinere queamus. Hunc scopum rebus mortalium à Domino praefixum, Apostolus secunda Timoth. secūdo, adhortatione graui & urgēti Christianis omnibus proponit, imo inculcat, dicens: Obsecro igitur, ut primū omnium fiant deprecationes, orationes, interpellationes, & gratiarum actiones pro omnibus hominibus, pro regibus, & cunctis, qui in excellentia sunt constituti, ut quietam & tranquillam uitam agamus in omnipietate & honestate. Hoc enim bonum & acceptum est coram seruatorre nostro Deo, qui uult ut omnes homines seruentur, & ad cognitionem ueritatis perueniant, &c. Quare non immerito cordatis hominibus ue-

E P I S T O L A

hementer stupendum uidetur, quod doctrina haec Euangelij Dei, tam multis hodie quasi noxia sit & seditiosa, à principum aulis & ditionibus arcenda ac profligada iudicatur: cū haec ipsa sit, quæ ueram principibus sapientiam adferat, qua filium Dei, dominum ac seruatorem omnium rite cognoscant & colant, causamq; ueritatis ac uerae salutis populis subiectis dispensari faciant, ac uicissim populum fidelem & obedienter subiectum nacti, in honore habeantur, ac simul pace publica fruantur. Dum ista consideramus, facile admonemur, quanta cum gratiarum actione eos debeamus amplecti, reuereri ac suspicere Principes, quibus hoc est à Deo datum, ut & ipsi ueritatem doctrinæ Christi intelligant, & ex animo amplectantur, & hanc Ecclesijs potestati suæ subiectis salubriter per ministros pios ac Dei timentes proponi current: atq; hunc coelestis gratiæ thesaurum pluris faciant, quam uniuersam principatum suorum gloriæ: parati citius propter regnum Christi cedere omnia, potentiam, gloriæ, principalis eminentiæ amplitudinem, & quicquid uspiam in hoc est seculo magnificum, quam à cognita ueritate, qua una seruamur, ad præteritarum tenetiarum errores ac superstitiones, ut Romane Babylonis tyrannide tandem, relabi, causamq; relabendi subditis obijcere: quibus hoc antiquū est, ut principum suorum autoritatem facilè sequantur. Qui ad hunc modum animati sunt, dignos iudico quorū salutem irremissis precibus diuinæ clementiæ commendemus: ac tanquam non solum tremendos iusticiæ Dei executores, sed & sacrosancta gratiæ illius organa cuncti suspiciamus ac ueneremur, honoremq; nominis illorum pro sua quisq; conditione tam ad posteros transmittamus, quam in præsenti tueamur & ornemus.

Hoc ego animo erga te, Princeps illustriss. affectus, ac simul memor eius benevolentiæ, quam in me non modo cùm adhuc Augustæ Vindelicorum essem, sed & postea cùm me ad Ecclesiæ ditionis tuæ ministerium uocares, haud obscuris argumentis declarasti: Commentarios hosce nostros in sacro sanctum Euangeliū Ioannis, nomini tuo inscribere nuncupareq; uolui.

Hil, quoniam in tres Heptadas diuisi sunt, ante annos aliquot separatis sunt æditionibus uulgati, nec cuiuspiam nomini nunc patim adscripti. Deinde & illud incommodi accessit, quod propter temporū istorum inclemenciam, quibus non modo adflictatæ fuerunt piorum hominum conscientiæ, sed & pax publica una cum honestis ac pijs studijs perturbata, quæ post dimidium secundæ Heptadis sequuntur, obiter magis ac superficietenus sunt perstricta, quam competenti ac condigna diligentia explanata. Quare uisum est, quo ad eius in præsenti licuit, quæ antea decurta tuis annotata sunt, accessionib. aliquot locupletare: id quod præstitimus, à fine capitis duodecimi, ad calcem usq; decimiquinti. Nec moris mei est, nec Christianæ modestiæ, propriarū lucubrationū encomia ebuccinare. Id tamen confidenter polliceri ausim, nihil inesse Commentarijs hisce, quos tuæ Celsitudini dedico, quod à uera sinceraq; sit Euāgelij doctrina diuersum. Pro mensura donationis Christi ad hoc perpetuo sum conatu lucula

N V N C V P A T O R I A.

tus, ut sensum uerborum Domini quam possem perspicuè explicarem, & ex illis quæ ad ueram pietatem ac conscientiarum in Christo ædificatio nem facere possunt, annotarem, fideliq; ac pio Lectori cōsideranda proponerem. Hic nanque unus est omnibus Christi ministris propositus scopus, ut ad illustrationem ueritatis, & ædificationem Dominici gregis, dirigant omnia. Quare te Princeps illustrissime, per Christum seruatorem oro, ut Commentarios istos benigno fauore accipias, & ad usum Ecclesiarum potestati tuæ subiectarum, pro pietate tua, ac studio Christiano Principe digno, salubriter colloces. Christus Iesus unigenitus Dei, unica fidelium omnium salus, corroboret in te, & ad finem usq; uerum ac sincerum Euangelicæ ueritatis zelum conseruet: quo causæ illius in hoc seculo innumeris modis afflictæ, non modo constati confessione, sed & consilio pariter & auxilio adesse possis. Illustri pietati ac celstitudini tuæ humili me subiectione cōmendo. Bernæ Eluetiorum,
Anno salutis millesimo quingentesimo quinagesimo tertio, uigesima quinta Junij.

A D C H R I S T U M V N I C V M N O S T R U M
Dominum ac seruatorem.

Promissam pacem tua nunc ecclesia Christe,
Insano mundi turbine pressa petit.
Euigila tandem, fluctus compescere furentes:
Factibi non pereant, quos pater ipse dedit.

PRAEFATIO IN EVANGE

LIV M IOANNIS.



*Qua causa
scripsit.*

VANGELIUM hoc communiter tradunt sero conscriptū esse à Ioanne, uidelicet post ea quæ sub Matthæi, Marci & Lucæ nominibus habemus, cùm in exilio ageret, uel (ut quidam uolunt) cùm post mortem Domitianū ab exilio reuocatus esset. Causam ob quam scripsit, dicunt fuisse, quod necessarium duxerit hoc ueluti tonitru, non sui tantum temporis hæreticorum, è quibus Cerinthum & Ebionem fuisse scribunt: sed & omnium in uniuersum eorum prosternere impietatem, qui Diuinitatis Maiestatem & gloriam CHRISTO denegaturi essent.

E huic sanè instituto, hi Commentarij, quos iam per CHRISTI gratiā post absolutum Matthæi Euangelium, certis rationibus, explicando agredimur, omnium (ut uidebimus) sunt appositissimi. Licet enim & reliquæ tres Evangelistæ non prorsus de CHRISTI diuinitate tacuerint, (ubi nanque miranda illius opera, quæ testimonium diuinae in illo uirtuti tribuunt, commemorant, quid aliud faciunt, quam quod de diuinitate illius testantur?) hic tamen non solum ex professo, mox initio operis diuinitatem CHRISTI asserit, sed & toto operis cursu in eo studiosissime versatur, ut CHRISTI sermones & dialogismos, siue cum Iudæis aduersarijs & calumniatoribus, siue cum discipulis, & alijs credentibus habitos, quibus quod filius Dei sit, patri æqualis, asseritur, singulari studio exponat.

*Humanitatem
Christi tradit.* Interea tamen & humanitatem illius tradit, idque statim post diuinitatis expositionē, dilucide dicens, Verbum caro factum est, & habitauit in nobis, &c. * Neque enim ita astruenda est CHRISTI diuinitas, ut humanitatis illius confessio & ueritas labefactetur: sed tā est credēdus uerus homo, quā uerus Deus, & tā hominis quā unigenitus Dei filius, nisi à fidei synceritate & integritate ac dispēsatione salutis humanæ periclitari & exorbitare uelimus. Cauendū itaque est, ne ita extollamus hunc Evangelistā propter exactius traditā diuinitatis CHRISTI doctrinā, ut tres reliquos, propter suis descriptam hominis generationē, & humanæ dispensationis cursum eleuemus. Scripserūt & ipsi ex Spiritu sancti instinctu, & ea tradiderūt de CHRISTO, quorū cognitionem & fidē non minus salutis nostræ ratio exposcit, quam quæ posse a sublimiore tuba à Ioanne decantata sunt.

Nec sine singulari Spiritus sancti consilio factum est, ut prius Matthæi, Marci & Lucæ Euangelia, quā Ioannis, in orbem exirent. Neque enim dum capaces ac patiētes infirmæ credentium aures tantí fuissent tonitru. Ideo primū erat CHRISTI tradenda incarnatione, describēda humana illius natuitas, docendumque quomodo secundū scripturas ex semine Abrahæ, è tribu Iuda & familia Dauidis natus sit, quibus humanæ dispēsationis cursum dicitis & factis tenuerit, quibus se documētis uerū esse Messiah probauerit, quomodo secundū scripturas passus ac mortuus sit, & tertia die resurreixerit, seques suis uiuū ostēderit, ac tādē ad coelestia assumptus sit, ut paulatim crescēte fide locus parare sublimioribus de CHRISTI diuinitate doctrinis.

De his itaque audiēmus aliquanto plura quam in Mattheo. Sed hęc obiter admonuerim. Primū, ne quisquā putet diuinitatis CHRISTI maiestatē talem esse, quæ ab ullo homine utut per Spiritum sanctū illustrato uel tradī uel capi exacte, ut in se est, possit. Quantumcunque nanque illuminatus fuerit Ioannes iste, de Deo tamen ut homo dixit, inquit Augustinus: inspiratus quidē à Deo, attamen homo. Quia inspiratus fuit, dixit aliquid: si non fuisset inspiratus, dixisset nihil. Quia uero homo inspiratus, nō totū quod est dī-

*Quo spiritus
sancti consilio
primū reliqui
tres scrip-
rint.*

COMMENTARII VVOLFGANGI MUSCVLI IN IOANNEM EVANGELISTAM,

C A P V T I.



N principio erat uerbum, & uerbum erat apud Deum, & Deus erat illud uerbum. Hoc erat in principio apud Deum.

Diuinitatis Christi duplex est consideratio. Una abstrusior substantiam uel essentiam ipsius concernens, quomodo sit ex patre, patri coæternus, consubstantialis, per omnia similis, sapientia, potentia, & quavis uirtute æqualis, itaq; ab illo genitus, ut tamē ab eo nūquam separetur, & quæ alia huius generis de illius diuinitate religio Christiana tenet, de quibus inter catholicos & Arianos acerrimè disceptatum est. Altera manifestior est, quæ pertinet ad ipsius operationem & manifestationem, è qua maiestas illius alioqui mortalibus, imo & angelis ipsis cœlestibus spiritib; incognita, ex operationū uirtute & efficacia relucet, & relucēdo declaratur.

De priore, paucis quedam hoc exordio tradit Euangelista, cum dicit: In principio erat uerbum, & uerbū erat apud Deum, & Deus erat uerbum. Hoc erat in principio apud Deum. De posteriore uero statim subiicit, cum dicet, Omnia per ipsum facta sunt. ad quam etiam reliqua ferè omnia pertinent, quæ his Commentarijs de Christi diuinitate, quomodo illa se in ipsa salutis humanæ dispensatione exeruerit, exponet. Quod autem de priore adeò paucis, & de posteriore tam multis agit, documento nobis esse debet, ut & ipsi non diu in diuinæ essentiæ consideratione hæreamus, ne lucidissimo illius iubare mentis nostræ acumen hebetetur magis quām illustretur: in altera uero pressius ac diutius contemplanda fidem nostram exercamus, perinde atque sole hoc uisibili uti solemus, cuius fulgorem ut in se est, oculorum nostrorum imbecillitate diu sustinere nequimus: rerum uero quibus utendum est illustratione, & calore, quo mundum hunc penetrat, frequentius & maiore cum fructu quotidie utimur. Sed uideamus uerba Euangelistæ.

(In principio erat uerbum.) Vbi infra dicit, Et uerbum caro factum est: satis indicat se de ea diuinitatis persona loqui, quæ Christus est, filius Dei unigenitus. Nam ibi sic dicit, Et uerbum caro factum est, & habitauit in nobis, & uidimus gloriam eius, gloriam uelut unigeniti à patre. Ergo Christum, unigenitum Dei filium, hominem in tempore factum uocat hic uerbum, utiq; Dei patris. Quod qua ratione faciat, uidendum est primum, deinde quid illi tribuat, uel quid de eo hic pronunciet.

Quod Christum Ioannes uerbum uocat (*λόγον* Eras. reddidit sermonem) non ideo factum est, quod hac appellatione propria illius essentia uerè ut in se est, exprimatur. Metaphorica dictio posuit, quæ nostro intellectu accommodata umbram aliquam eius rei, de qua loqui instituit, delineare potest. Sumpta nanq; est à similitudine mentis nostræ, quæ cum rotū hominem regat, inuisibilis tamen est & incognita, nisi consilium quod concepit uerbo, ad aliorum cognitionem proferatur, quo sanè imago quædam mentis nostræ aliorum cognitioni spectanda obijcitur. Ita uidelicet (quatenus incomprehensibilis illa diuinæ maiestatis natura adumbrari potest) & Deus (hoc est uirtus illa omnipotens, omnium creatrix & conservatrix, quam penetrandi gratia, quod omnia penetrat, *διὸν* uocant Græci) menti, qua totus hic mundus regitur, & Christus illius unigenitus, uerbo cōparatur, propterea quod per hunc cognitione Dei mortalibus innoutit. Sic Paulus uocat Christum imaginem Dei inuisibilis. Sic Christus dicit: Philippe, qui uidet me, uidet & patrem meum. Et nemo uenit ad patrē (id est, ad patris cognitionem & communionem) nisi per me. Item Ioan. Deum nemo uidit unquā, filius qui est in sinu patris, annunciauit nobis.

Est autem uerbi duplex ratio. Una, qua dicitur & sonitu transit, sicuti nostra dicuntur & transeunt. Altera qua intra nos est, in corde conceptum, nobisq; solis cognitum. Posteriore modo non transit, licet enim sonitus in proferendo transeat, quod tamen intelligitur manet. Prior ratio præsenti similitudini non conuenit. Neq; enim Christus tale patris uerbū est, quod sonitu quodam transeunte proferatur & transeat: sed quod perpetuum apud Deū est, ut audiemus, & nihilominus externa declaratione ad mortalium cognitionē sua uirtute pro creditur & nascitur. In summa, ita Dei patris uerbū est, ut sit consilium illius, sapientia & uirtus, unde omnia quæcunq; sunt, facta sunt. Sic Ebræis *τὸν λόγον* uerbum dicitur, ut sæpen numero pro re ipsa, quæ uerbo profertur & significatur, sumatur. & Græcis *λόγος* ita sermonem sonat, *λόγος*.

Duplex est diuinitatis Christi cōsideratio.

Non diu in cōtēplatione es- sentiae diuinæ hærendum.
Simile.

Per uerbum Christus intel- ligitur.

Verbum subie- ctum.
Quomodo Christus uer- bum dicatur.

Christus ima- go Dei inui- bilis.

Colof. 1.
Basilius.
Augustinus.
Verbi duplex ratio.

Dabar.

ut ni-

COMMENTARII IN EVANG.

ut nihilominus & rationem & sapientiam significet, qua quæ sonitu proferuntur, intus in eorū disponuntur. Vt igitur uerbum, consilium, sapientia mentis conceptu & partu uelut imago quædam in lucem profertur, & recte cordis proles dici potest: ita & Christus, sapientia, cō filium & uerbum patris, filius ac proles Dei est, imaginem patris ostendens, & in lucem ad mortalium cognitionem proferens.

**Prædicta
de uerbo.
In principio
erat.**

Iam conſequenter audiamus, quid huic uerbo tribuat. De subiecto audiuiimus, uideamus etiam quæ de illo prædicet. Primum prædicat de eo quod fuerit in principio. In principio, inquit, erat. Cyrillus dictione Principiū putat Deum patrem esse intelligendum, uerū nō hoc agit Euangelista his uerbis, cum mox dicturus sit. Et uerbum erat apud Deum. Non loquitur de principio uel Dei uel filij, cum nullum sit in Deo principium. Licet enim ex Deo per filiū sint omnia, ut recte omnium principium, ut & finis, illi detur: nec principium tamen, nec finis habet. Omnino oportet Euangelistam de principio eorum, quæ esse cōperunt, quibus & solis principiū ratio competit, intelligere, quemadmodum & illud Gen. i. In principio fecit Deus cœlum & terram: ut in principio idem sit atq; Antequam quicquam in rerum natura conditum esset, antequam cœlum & terra essent, antequam rerum cū cœlestium tum terrestrium uniuersitas conderetur, erat uerbum.

Erat.

Non autem dicit, In principio fecit Deus uerbum, sicut Moses dicit, In principio fecit Deus cœlum & terram. Verbum enim, Christus, nec principium habet, nec factum est. Verbum, inquit, erat in principio. Cū conderentur omnia, in ipso principio erat hoc uerbum. Igitur principiū nullum assignat Verbo, sed æternitatem illi hoc prædicato tribuit. Quod autem uerbo præteriti imperfecti temporis utitur, non ad hoc factum est, ut intelligamus uerbum hoc mox à rerum principio defecisse, & iam amplius non esse. Absit, sed ut intelligamus, illud tanquam sempiternum, in principio rerum iam fuisse, non tum primum esse cœpisse. Dicit nos hoc uerbo ultra omnium rerum principium in ipsam æternitatem, quo tamen mentis nostræ cogitatio penetrare nunquam potest, non ut de illa curiose scrutemur: sed ut uerbi æternitatem credamus & adoremus, ne putemus illud cum hæreticis, aut in conditione rerum cum alijs creaturis, uel cum ex Maria uirgine nasceretur, primum esse cœpisse.

Itaq; si in principio, quo in rerū natura nihil esse potest antiquius, nō incipiebat hoc uerbum Christus, sed iā erat, fieri nō potest, ut aliquādo finē habeat. Nequit enim desinere cū reb. creatis, quod cū illis nō est conditū, sed antequā conderentur iā erat: imo ut audiemus, per quod omnia facta sunt, & in quo omniū quæ sunt, uita consistit. Ideo dicit, Ego sum alpha & «, principium & finis. Non dicit, Ego habeo finem, sicut etiam nō dicit, Ego habeo principium: sed, Ego sum principium & finis. id est, Per me sunt omnia, & in me reuoluuntur & absoluuntur omnia. Sic Ebr. 13. Christus, inquit, Iesu heri & hodie ipse est & in secula.

His ueluti duabus anchoris, inquit Basilius, principio uidelicet, & uerbo erat, fidei nostræ nauem à puppe & prora fundatam ac firmatam tenentes securi, quosuis hæreticæ prauitatis ueluti tempestatis insultus sustineamus. Vt si Christum quisquam antequam ex Maria nascetur, non fuisse dicat, configiamus ad dictiōnēm principiū: rursus si hæretica impietas contendit inter creaturas illum in rerum factum esse principio, quo pater postea in cōditione coeli ac terræ ueluti ministro uteretur, fugiamus ad uerbum Erat. Hic consistamus. Erat, inquit, in principio. Non dicit, Factus est in principio. Quis autem potest ei inuenire principiū, quod in principio non demum esse cœpit, sed iam erat?

(Et uerbum erat apud Deum.) Hoc est secundum prædicatum Euangelistæ de Christo uerbo Dei, quod apud Deum fuerit. Quia dixit, In principio erat uerbum, id est ante tempora secularia, antequam quicquam conditum esset, cum principium rerum omnium ordiretur, erat iā antea uerbum hoc: proximum erat ut adderet, ubi nam fuerit. Nullo loco esse potuit, nulloq; tempore, cum nondum esset uel locus aliquis uel tempus. Vbi ergo erat? Imo ubi esse potuit? Apud Deum, inquit, erat: certè non poterat alibi esse. Sed rursus ubi ille erat, cum nihil dum esset conditum? Hic quiescendum est. Nullo poterat esse loco Deus, nechodie potest, cum sit infinitus, nec cœli cœlorum illum capere queant, ut Salomon dixit. De Christo itaque uerbo Dei instruit nos Euāgelista, quod in principio fuerit, idq; apud Deum: de ipso uero Deo, ubi ille in principio fuerit, tacet, neq; enim aliud potest.

Sed uideamus quomodo dicatur uerbum Dei Christus apud patrem fuisse. Quomodo fuit apud Deum, & perpetuo sit, in se nemo mortalium capere poterit. Sed quomodo id ab Euāgelista dicatur, uel magis adumbretur, per gratiā Dei utcunq; intelligi potest. Quomodo Christus uerbum Dei ab Euāgelista dicatur, dictum est suprā: nempe, sicut consilium & sapientia mentis nostræ uerbum nostrum dicitur, etiam cum adhuc in corde fouetur, & nondum per opus æternum in lucem progressum est. Hinc progredientes, eadem similitudine manu ducimur, ut imaginari queamus, quomodo uerbum hoc Christus apud Deum patrem fuerit ante tempora secularia & conditum mundum. Quomodo sapientia & consilium apud sapientem, & uirtus apud potentē est, ita uerbum Christus apud Deum erat. In hoc tamē fallit similitu-

**In principio fe
cit Deus cœlū
& terram.**

**Primum est in
ter omnia pre
dicata sempiter
nitas, & re
cte. Hec enim
propriæ Dei
est. Ergo Chri
stus sempiter
nū patris uer
bū est. Ergo nū
quā cognosci
tur pater, mēs
illa summa om
nipotens, infi
nita & inuif
ibilis, nūs per
Christum. Sic
Christus dicit,
Nemo nouit
patrē nūs filius
et cui uoluerit
filius revelare.**

**Secūdum pre
dicatū de Ver
bo.**

i. Reg. 8.

**Quomodo uer
bū dicatur a
pud Deū fuisse.**

Similitudo.

uos non potestis uenire. Animus Petri magis huc propendebat, ut Dominum sequeretur corporaliter quocunque abiret, quam ut exemplum ipsius imitando fratres diligeret: atque ita eum, sicut iubebatur, spiritualiter sequeretur. Non dico quod fratres non dilexerit, sed quod tum temporis non tam fuerit affectus eo quod Dominus præcipiebat, quam desiderio accensus Dominum corporaliter sequendi. Vix adeo ægrè dilectionem hanc mutuam imbibimus, ut paratores simus multo ad sequendum Dominum, uel quomodo ille non præcipit, uel quando nondum quod uolumus licet.

II. *Certum tēpus cuilibet consti tutum est hinc migrandi.* Quo ego uado, non potes me nunc sequi, sequeris autem postea.) Observandum hic est, esse certa tempora & momenta cuilibet fidelium diuinitus constituta, quibus ex hac uita migrantes Dominum suum sequantur, ante quæ nemini illum sequi liceat. Erat Petrus planè sequuturus Dominum, sicut & hic dicit, Sequeris autem postea. Verum habebat sua momenta, de quibus infra capite ultimo: Cum uero senueris, inquit, ducet te alius quod tu non uis. Ante hæc momenta erat illi impossibile sequi Dominum, ad cœlestia præmigrantem. Ideo audit hic à Domino, Non potes me nunc sequi. Constanter ueritatem regni Dei profiteri, & mortem illius nomine intrepidè ferre, singulare donum Dei est. Datur illud suo tempore. Antea non habetur, nec necesse est ut antea habeatur. Satis sit posse mori pro Domino, quando id prænitum est à patre. Sic comparata sunt & reliqua dona Dei, quæ omnia certo ordine, numero, mensura, modo & tempore dispensatur, ultra uel citra quos limites nihil poterunt quantumcunque nostræ uires. Itaque quoties impossibilitatem hanc sequendi Dominum, & carnis nostræ infirmitatem senserimus, cogitemus de hoc Christi responso, & quod Petro hic dīctum est. Non potes me modò sequi, sequeris autem postea: & nobis dictum esse credamus. Credentes uero nec temerari simus, nec ignavi & negligentes, sed sedulò pro auxilio Dei impetrando oremus.

III. *Ingenium eorum qui ad res arduas impotēti affectu ferūtur.* Domine, quare non possum te sequi nunc?) Non dicit, Quando ergo te sequar, si iam non possum? nec dicit, Possum te nunc sequi: sed, Quare non possim te sequi nunc? usque adeo ardenti amoris sui affectui & præsumptioni indulxit, ut non solum quando Dominum sequuturus esset, non interrogauerit: nec simpliciter de uiribus suis, sed sic præsumperit, ut causas non uiderit, immò nullas esse posse putauerit, ob quas tum eum sequi non posset: ideoq; interrogauerit, Quare non possum te sequi nunc? Hac imagine expressum est ingenium eorum, qui non iudicio aliquo, sed impotenti desiderio res arduas aggredi conantur, quo sic obcæcantur, ut planè cernere nequeant, quare quod in uotis habent, perficere non possint: & si aliquando poterunt, quare non quando libet queant. Etenim nec infirmitatem suam, nec diuinæ gratiæ necessitatem ac dispensationem expendunt.

IV. *Egregius animus Petri erga Dominum.* Animam meam pro te ponam.) Erat hic animus Petri erga Christum planè egregius, si illum in se consideres. Etenim licet uires illi perficiendi quod cupiebat, tum temporis defuerint, sic tamen comparatus erat, ut satius putaret mori cum Domino, quam ab illo separari. Et sic conuenit quenq; Christianum esse animatum, etiam tum cum nondum adest moriendi tempus, ut & ipse pro ardore amoris sui erga Christum dicat, Quomodo non adhærerem Domino, & quæuis aduersa pro illo ferrem? Animam meam pro eo ponam.

V. *Inuicta uerbi Christi certitudine.* Animam tuam pro me pones? Amen amen dico tibi, non canet gallus.) Consideremus hic inuictam uerbi Christi firmitatem ac certitudinem, in eo quod tanta cū asseueratione Petro prædictit, quod se tertio sit negaturus antequam gallus cantet: nec ueretur, ne Petrus omnem sit lapidē moturus, ne hoc faciat. De rebus humanis nemo mortalium ulli homini sic certò quæ facturus sit prædicere potest, ut aliud facere nequeat. Nihil poterat Petro acerbius dici, quā quod negaturus esset eum, pro quo mori etiam paratus erat: nec erat aliquid, quod minus in animū suum inducere potuisset, & tamen hoc ipsum illi Dominus indubitanter futurum prædictit. Admonemur hoc exemplo, quanta sit eorum certitudo, quæ à Domino nobis uel promittuntur, uel prædicuntur. Tanta nimirum, ut à nemine prorsus impediri queant.

Notemus etiam consuetudinem hanc Christi, qua nihil improperij adjicit, quo Petru corripiat, & propter futuram negationem uel obiurget, uel abiiciat: sed simpliciter, quid ea non esse facturus sit, prædictit.

C A P V T X I I I I



Q T V M hoc caput mixtum est consolationibus, doctrinis, adhortationibus, & promissis. Consolatur suos Dominus mœstos iam, & perturbatos. Docet eos de patre: adhortatur ut in se credant, se diligent, ac sermones suos seruēt: pollicetur illis locum in cœlestibus, dona spiritus sancti, exauditionem orationum ipsorum, redditum suum ad ipsos, dilectionem & gratiam: deniq; & pacem suam, quam uel mundus dare nequeat, &c.

Et ait discipulis suis: Ne turbetur cor uestrum. Creditis in Deum? et in me credite. In domo patris mei mansiones multæ sunt. Quod si secus esset, dixisse sanè uobis. Vado paratus uobis locum. Et si akiero

Respondit ei Iesus: Quò ego uado, non potes, &c.) Paulo clarus edicit, quod antea dixerat, Quo ego uado, uos non potestis uenire. Iam non simpliciter dicit, Non potes me sequi: sed, Non potes me nūc sequi. & addit, Sequeris autem postea. Factum est hoc per passionem ac mortem, quam ferendo, Dominum suum sequutus est hic Apostolus, qua de re infrā capite ultimo.

Dicit ei Petrus: Domine, quare non possum te sequi nunc?) Præ ardore amoris nō poterat acquiescere ijs quæ à Domino dicebantur, nec uidere rationem quare tum eum sequi non posset, cū se ad moriendum propter eum paratum esse putaret. unde & subiecit, Animam meam pro te ponam. Quasi dicat: Paratus sum te sequi quolibet, etiamsi moriendū sit hoc nomine. Et quomodo non potero te iam sequi? Quid tandem prohibere poterit, quem ne mors quidem ipsa, ne te consequar, impedire potest?

Respondit ei Iesus: Animam tuam pro me pones? Amen amen dico tibi, non cantabit gallus, donec, &c.) Quoniam feroi suo Petrus nimium tribuens, non acquiescebat ijs quæ audiebat, in genere primum, Quò ego uado, uos non potestis uenire: deinde quod se peculiariter concernebat, & cum declaratione, Quò ego uado, non potes me nunc sequi, sequeris autem postea: sed nimia confidentia regerebat, Domine quare non possum te sequi nunc? animam meam pro te ponam: quasi mendacem facturus esset eum, qui mentiri non potest, merito hæc audiebat à Domino, quæ dubio procul animum eius uehementer conturbarunt. Animam tuam pro me pones? inquit. Quasi dicat, Tu ne tam eris animo forti & constanti, ut animam tuam pro me pones, qui adeò consternaberis ac dejcieris, ut non solum sis me, quemadmodum cæteri, deserturus: sed & perinde negaturis, quasi me nunquam cognoueris: idque non semel, sed secundò ac tertio: deniq; tam citò, ut etiam gallicinium sis me negando præuenturus. Et hæc Dominus cum solita affirmatione protulit, quoniam Petro uidebantur incredibilia: eaq; in re etiam fidei discipulorum suorum seruivit, ut haberent unde, posteaquam ista facta essent, cognoscerent, quam nihil ipsum eorum quæ euentura essent, latuisset.

Hæc particula, qua Petro prædictis Dominis, quod se tertio negaturus esset, in Matthæo sic legitur: Tunc dicit illis Iesus: Omnes uos offendiculum patiemini mea causa in hac nocte. Scriptum est enim: Percutiam pastorem, & dispergenter oves gregis. Postquam autem resurrexero, præcedam uos in Galilæam. Respondens autem Petrus, ait illi: Etsi omnes offendiculum passi fuerint tua causa, ego tamen nunquam offendiculum patiar. Ait illi Iesus: Amen dico tibi, antequam gallus cantet, ter me negabis. Ait illi Petrus: Etiamsi opòrtuerit me mori tecum, non te negabo. Eadem & in Marco leguntur. Lucas sic habet: Ait autem Dominus, Simon Simon, ecce satanas expetiuit uos, ut cribraret sicut triticum: sed ego rogaui pro te, ne deficiat fides tua, & tu aliquando conuersus confirma fratres tuos. At ille dixit ei: Domine, tecū paratus sum & in carcerem, & in mortem ire. At ille dixit: Dico tibi Petre, non canet hodie gallus, priusquam ter abneges te nosse me. Apparet igitur, uel tertio Petrum nimia sua præsumptionē causam dedisse Domino, uicissim tertio quod se negaturus esset prædicendi: id quod & Augustino de Cōsensu euangelistarum libro 3. cap. 2. uero simile uisum est: uel ea quæ à quatuor Euangelistis hac de re quasi separatim ac diuisim gesta commemorantur, ad unum pertinere orationis contextum, ac simul esse prolata. Vnde & Augustinus loco iam citato sic concludit: Siue ergo diuersis sermonum Domini locis commotus Petrus, singillatim ter enunciauerit præsumptionem suam, & ter ei Dominus suam negationem prædixerit, sicut probabilius indagatur: siue aliquo narrādi ordine possint omnium euangelistarum commemorationes in unum redigi, quibus demonstretur semel Dominum prædictisse Petro, præsumenti quod eum negaturus non esset, nulla hic Euangelistarum repugnatiā deprehendi poterit, sicut nulla est. Hæc ille Pomeranus ista sic conciliauit, ut putandum sit, Petrum quidem tertio de constantia sua confidenter præsumpsisse: Dominum uero bis tantum his uerbis respondisse, Antequam gallus cantet, ter me negabis. Sic enim quæ Ioannes hic & Lucas habent, coniungit, ut inter uerba Petri, Domine quare non possum te sequi nunc? animam meam pro te ponam, & ea quæ Christus respondit, dicens, Amen amen dico tibi, non canet gallus donec ter me negaueris, ea interserat quæ Lucas habet, legens ad hunc modum: Dicit ei Petrus, Domine quare non possum te sequi nunc? Animam meam pro te ponam. Respondit ei Iesus: Animam tuam pro me pones? Simon Simon, ecce satanas expetiuit uos ut cribraret sicut triticum: sed ego rogaui pro te, ne deficiat fides tua: & tu aliquando conuersus confirma fratres tuos. At ille dixit ei: Domine, tecum paratus sum & in carcere, & in mortem ire. At ille dixit: Amen amen dico tibi Petre, non canet hodie gallus, priusquam ter abneges, te nosse me. Ita hic Ioannem & Lucam coniungit. Deinde quæ Matthæus & Marcus habent, quasi secundo loco post egressum Domini ac transitum torrentis Cedron prolata, separatim ponit. Osianus in Harmonia sua priorem Augustini sententiam sequutus est. Quæ ex his tribus uerior sit sententia, arbitror temerarium fore, si certò definire uelim: quapropter statui, lectori liberum esse relinquendum iudicium.

Domine, quò uadis?) Nihil respondet Petrus ad ea quæ dilectionem mutuam concernentia præceperat Dominus, sed relicitis illis de eo percontatus quod dixerat, Quò ego uado, Ff 3 uos

OBSERV.

ut non relinquatur ulla suspicio, quæ in quenquā ex Apostolis propter nominis similitudinē cadere possit. Dicebat aut̄, inquit, de Iudah Simonis Iscariota. Tuetur ergo Euangelista diligenter reliquorum Apostolorum innocentiam, nec patitur ut sinistra suspicio cadat in germanos ac synceros Christi Apostolos. Diligentiam hanc imitetur, qui ministerij ecclesiastici autoritatem saluam consistere cupiunt.

De Iudah Simonis Iscariota.) Nomina diaboli huius expendenda sunt. Iudas confessorem, Simon auditorem, Iscariotes uero mercenarium uel mercatorem significat. Est igitur Apostolus hic mercenarius Christi, confessor & auditor, caput eorum qui & ipsi in ecclesia non Christum, sed quæstum sectantur: nec gratis dant, quia nec gratis accipiunt, sed omnia mercede ac quæstu metiuntur. Gloriantur Romani de Simone Petro, quod huius sint in sede Apostolica successores: uerū si mores & ingenia eorum, deinde & turpissimā illā nundinationem expēdas, quā in ecclesia omni pudore abiecto iam olim exercere cōperunt, per Deum obsecro, poterisne dubitare, successores eos esse non Simonis Petri, cuius apostolatus nō exprimunt, sed Iudæ huius Simonis Iscariotæ, cuius omnino & auaritiā & perfidiā referunt? Noli attendere præclara illa nomina, quibus uocantur Sanctissimi, apostolici, uicarij Christi, pontifices, episcopi, cardinales, &c. sed facta eorum intuere, & secundum Christi ipsius seruatoris admonitionem ex fructibus arborem cognosce. Quod si in factis illorum deprehenderis non Simonem Petrum, sed Iudam Simonis Iscariotam, magis habendi sunt pro eo quē uita & factis, quē in inanibus ac mendacibus titulis præferunt. Sicut & hic Iudas Simonis, quod ad nominis & apostolatus ab ipso Domino accepti splendorem attinet, certe quouis Romano pōtifice & illustriori haberet poterat: uerū adiecta auaricia ex Apostolo perfidum proditorem & diabolū reddidit. Ego quod meā conscientiā concernit, coram Domino certus sum, sedem hanc Romanam nō Petri, sed Iscariotę spiritū & successionē referre, nec aliter Apostolicā esse, quā sicut Iscariotes iste Apostolus fuit. Imo ne sic quidem. Nā ille ad apostolatus sortem à Domino fuerat electus, ista humano imo diabolico studio ad hanc est sublimitatem euēcta.

1. Hic enim erat traditus eum.) Notandum est quod non dicit, Hic enim erat ab eo per incrementum defecturus: sed, Hic erat, inquit, traditus eum. Videamus hic quid auaricie malum possit etiam in Apostolis. Quanto maius est peccatum pro uili precio uendere Dominū, quam simpliciter ab eo deficere: tanto peior est ac nocentior auaritia quam simplex incredulitas. Et Thomas admodum erat incredulus, eō tamen perfidiæ non abiit, ut Dominum suum uenderet. Et discipuli illi qui dixerunt: Durus est hic sermo, quis potest eum audire? licet increduli essent, tale tamen facinus contra Dominum in animum suum admisisse non leguntur, quale animus Iudæ auari ac perfidi concepit. Recte ergo Paulus auaritiam omnium malorum radicem esse dixit.

2. Expendamus & hoc. Credibile est hunc Iudam enormitatem perfidiæ huius nondū habuisse in animo, cum hæc à Domino dicerentur. Ipsa quidem auaricia tantæ perfidiæ radix cor illius possederat, ut fur esset: de prodendo uero Domino nihil dum habebat in animo, eo quod huius nulla dum esset oblata occasio, nec tempus proditionis aduenisset, neq; satanas dum facinus tantum in cor eius misisset, quod passionis tempore fecisse infrā ca. 13. scribitur: & tamen futuri facinoris huius gratia diabolus à Domino uocatur. Quid igitur illi uocandi sunt, qui non secretis quibusdam radicibus tradendi ac uendendi Dominum perfidiam in animis suis alunt, sed re ipsa illum quotidie quoties lucri datur occasio, uendunt?

Cum esset unus ex duodecim.) Notanda est & hæc particula. Dicit Iudas fuisse unum ex duodecim. Et Christus quoq; idem notat, cum dicit: Et ex uobis unus diabolus est. Videamus igitur quomodo Iudas hic fuerit unus ex duodecim Apostolis. Bifariam fieri potest, ut ex Apostolis quispiam, uel Episcopis & reliquis Christi ministris, aut ex fidelibus Christianis esse dicatur. Primo modo, si sit illis externa uel ministerij uel professionis coniunctione adnumeratus. Hoc pacto erat & Iudas hic perinde atq; Petrus, unus ex duodecim Apostolis, propter ministerij uidelicet societatem, ad quam fuerat à Domino electus. Sic Petrus Actoriū primo: Qui coaptatus, inquit, erat in numerū nostrū, & sortitus erat sorte ministerij huius. Sic inter episcopos recensentur etiam hi qui nihil minus sunt in ueritate quam Episcopi: & fideliū annumerantur, qui fideles non sunt.

Altero modo, si non solum externa, sed & interna, quæ eiusdem fidei ac spiritus est, incorpore sit coniunctus. Hoc modo non erat hic diabolus Iudas unus ex duodecim Apostolis. eq; enim ipse illis fide & spiritu Apostolis competente, nec ipsi illi malitia, auaricia & perfidiolica comunicarunt. Sic nihil minus sunt quam ex ministris Christi, qui Christo fieri non seruunt, etiamsi mundo pro Episcopis habeantur: nec è consortio fidelium Christi, qui non eadem fide eodemq; cum fidelibus spiritu prædicti sunt. E nobis inquit Ioanierunt, sed non erant ex nobis. Nam si fuissent ex nobis, mansissent utiq; nobiscum. Si igitur uerē ac prorsus unus fuisset ex duodecim Apostolis, mansisset utiq; cū illis: uerū si is Act. i. dicit, præuaricatus excidit, & abiit in locum suum. Non enim erat is locus à ministerij uerē illius, qui non uerē & ex animo unus erat ex Apostolis,

Sicut

III.

*Quorū caput
sit Iudas prodi
tor.*

V.

*Quid auaricie
malum possit
etiam in Apo
stolis.*

1. Timot. 6.

VI.

*Quomodo tu
das fuerit unus
ex duodecim:*

1. Ioan. 21

Sicut itaq; de hoc Iuda diabolo utrumque dici potest, cùm quòd fuerit, tum quòd non fuerit unus ex duodecim Apostolis: hinc propter externam ministerij Apostoli societatem, illinc propter diabolica in maliciam ac perfidiam: de reliquis uero apostolis non utrumque, sed unū hoc tantum dici potest, quòd uerè fuerint ex Apostolis: ita & de omnibus illis qui non nisi externa coniunctione ac nominis professione inter Christianos sunt, utrumque hoc prædicta potest, quòd & sint, & non sint ex Christianis: sint sacramenti externi ac nominis societate, non sint eiusdem fidei ac spiritus Christi cōmunicatione: de fidelibus uero, ac ueris Christianis hoc tantum dici potest, quod uerè & omnino sint è numero fidelium.

Papista frustra Expendant ista qui perpetuò gloriātur, quòd sint in ecclesia catholica, eoq; nomine admodum gloriātur esse dum in sole scunt, ac nescio quā sibi ipsis securitatem de uera salute pollicentur. Si non refert se in Ecclesia quomodo simus è numero fidelium, sed satis est illis quous modo esse coniunctos: certè de salute Iude spes esse poterit, q; nō solū ex Christianis, sed ipsis quoq; duodecim Apostolis hoc loco fuisse cōmemoratur. Sed de salute huius spes nulla est, perijt enim ipso Christo teste: igitur & hic nulla spes salutis esse debet illis q; nō uerè & pr̄fus sunt è numero &cōsortio fidelium.

C A P V T VII.



A P I T I S huius partes sunt quinq;. Prima docet, quomodo in Galilæa Dominus circuerit, eo quòd propter Iudæorum maliciā in Iudea uersari noluerit. Altera narrat, quòd cū fratrib. suis Hierosolymā ad diem festū nō ascenderit, ascenderit aut postea solus uelut in occulto. Tertia cōmemorat, quomodo à Iudeis in die festo quæsusitus sit. Quarta tradit, qñ templū ingressus, & quid in illo cū ab ipso, tū à turbis dictū, & à pharisæis tentatū sit. Quinta, quomodo pharisæi ministros suos reprehēderint, qd Iesum, sicuti iussi fuerat, nō cōprehendissent & adduxissent, & cū Nicodemo disceptauerint, qd is diuinę legis habēdā esse rationē admonuisset.

P R I M A C A P I T I S . H V I V S P A R S .

Versabatur Iesus post hæc in Galilæa: non enim uolebat in Iudea uersari, quia querebant eum Iudei interficere.) Præcedenti capite Euangelista doctrinam Christi exposuit, qua illa de incarnationis suæ & humanæ redēptionis mysterio in frequenti Capernaitarū synagoga differuit, simulq; adiecit, quā illa sit iniquè cùm à Capernaitis tum ab ipsis etiā discipulis accepta. Iam recto p̄gressu subtextit, quid post hanc doctrinæ suæ repulsam Dominus egerit. Versabatur, inquit, Iesus post hæc in Galilæa. Non simpliciter dicit, Versabatur in Galilæa: sed addit, Post hæc: ut significet Dominum synagogam hanc Capernaitarū, in qua frequenter docuerat, fastidiuisse, & alia Galilæa loca circueundo inuisere cœpisse. Græcè est, ὡριζάται: id est, circuibat. Significat eum singulos uicos ac quæuis oppida Galilæa luce prædicationis suæ uisitasse. Non est enim putandum, quòd curiositate quadam singula uidendi ociose circuierit. Quid circueudo egerit, alijs locis traditur, ut Matth. 4. & 9. & Marci 6.

Non enim uolebat in Iudea uersari, quia uolebant eum Iudei interficere.) Habent hæc uerba geminā articulatā. Primum enim rationem reddit Euangelista, quare in Galilæa uersatus sit Dominus. Non enim, inquit, uolebat in Iudea uersari. Deinde, quare noluerit uersari in Iudea. Quia, inquit, uolebant eum Iudei interficere. Ergo ob id in Galilæa circuiuit, quod in Iudea circuire nollet. Chrysostomus omnino nō legit, ἐγένετο γάρ τοις Ιουδαίοις, id est, Non enim uolebat: sed, ἐγένετο τοις Ιουδαίοις. id est, Non enim habebat potestatem circueundi in Galilæa. Sed hac de re uide Annotationes Erasmi. Versabatur, inquit Euangelista, post hæc in Galilæa. Quare? Nō enim uolebat in Iudea uersari. Videtur hæc ratio parum habere consequentiæ. Non enim aparet mox causam fuisse Domino in Galilæa uersandi ex eo quòd in Iudea uersari nollet, cū potuerit nec in Iudea nec Galilæa, sed extra utranq; hanc regionem alijs locis agere. Verū si causam hanc rectè expendas, omnino magna erat ratio uersandi in Galilæa, posteaquam Iudeam respuebat. Non enim erat præter Iudeam & Galilæam alia regio in qua habitarent tū temporis Israelitæ, quorum gratia tanquam perditarum domus Israelis ouium, docendo & sanando circuibat: & nec in Samaria, nec Gentium regionibus uersari consultum erat, ne qd Iudeis offensaculum obijceret, & amplius contra regni Dei prædicationem insaniendi causam daret. Cum itaque à Iudea abstineret, & consultum non esset ut uel in Samaria uel inter Gentes uersaretur, non potuit alijs locis quam Galilæa hanc circuitus sui gratiam ac luofferre, ut causa hæc, quam Euangelista assignat, plus habeat consequentiæ, quam mox prima fronte consideranti lectori pateat.

Quia querebant eum Iudei interficere.) Hæc est altera ratio, qua docet, quare Dominus in Iudea uersari noluerit. Nec præter causam est, quòd etiam huius rei rationem assignat. Exigebatur celebritas terræ Iudaicæ, propter sacerdotium ac templū, ut in illa circuiret poterit in Galilæa, terra planè obscura & ignobili. Deinde suspicionem gignere poterat, quòd fugiens Iudeam declinarit, propter scribas & pharisæos, uiros in lege doctissimos, i Galilæa inter homines idiotas, & scientiæ Dei imperitos circuire, doctrinamq; suæ

HEPTAS SECUNDA.

CAPUT VIII.



OTE ST præsens hoc caput quinque partibus distingui, ita ut prima egressum Domini in montem oliuarum, ac regressum in templum: secunda historiam adulteræ: tertia concertationem Iudæorum cum Domino, de eo quod de seipso testificabatur: quarta comminationem Domini ad Iudæos factam, quod in peccatis ipsorum essent morituri: quinta redargutionem Iudæorum, quod nec Dei, nec Abrahæ, sed diaboli progenies ac semine fuerint, cōtineat.

PRIMA PARS CAPITI.

IESVS autem perrexit in montem oliuarum, & diluculo iterum uenit in templum, cunctusq; populus uenit ad eū, & sedens docebat eos.) Nō hoc tātu loco, sed & Lucæ 21. & Mat. 21. Marci ii. uidemus Dñm noctu egressum esse Hierosolymā in monte hunc Oliuarū, eo quod haud procul esset ab urbe, mane uero in ciuitatē rediisse, ac in templo docuisse. Ad quid uero in monte hunc exierit, non additur. Marci quidem sexto, ac Lucæ 6. scribitur, orandi gratia monte aliquē conscedisse. At Matth. 21. & Marci ii. dicitur mansisse noctu in Bethania, quæ monti Oliuarum adiacebat, & quasi stadijs quindecim à Hierosolymis distabat: ut dubium sit, an noctu in monte orandi, uel in Bethania apud Martham & Lazarum quiescendi, ac suos refocillandi gratia, mā serit. Itaq; Dñs, cum in die magno festi concionem suam absoluisset, Hierosolymam egressus est uesperi in montem Oliuarum: id quod Euangelista continuandæ historiæ gratia post Sacerdotalis concilij descriptionem commemorat.

Et diluculo iterum uenit in templum.) Commendat nobis & Domini & populi diligentiam: huius, quæ audiendi: illius, quæ docendi sedulitate declarauerit. Non simpliciter dicit, Et iterum uenit in templum: sed, Et diluculo iterum uenit in templum. Et Matt. 21. Marci ii. eodem modo manè scribitur redisse in templum. Populi diligentiam notat, cum dicit, Cunctusq; populus uenit ad eum. Non simpliciter dicit, Et populus uenit ad eum: sed, Cunctus populus uenit ad eum, ut in frequentia populi cognoscas & audiendi diligentiam. Lucas clarus: Et omnis populus, inquit, diluculo uentitabat ad eum, ut in templo audiret eum. Hic & frequentia & diligentiam populi coniunctim posuit Euangelista.

Et sedens docebat eos.) Suprà cap. 7. dixi, sedis nonnunq; Dominum ad docendū, id quod & hoc loco, & Lucæ 4. & 5. uidemus. ita ut Matth. 26. dixerit turbis quæ ad capiendū ipsum uenerant, Quotidie sedebam apud uos in templo docens, nec me tenuistis. Docet itaq; nos Euā gelista, ad quid Dominus diluculo in templū redierit: nempe ad docendum populum.

Iesu aūt̄ perrexit in montem Oliuarum.) Tria ueniunt hoc loco consideranda. Primum, quod noctu Dominus in ciuitate nō mansit. Secundū, quod in monte egressus est. Tertiū, quod in mo Insidias inimicorum suorum

1 Quod noctu in ciuitate non mansit, nemo putet præter rationem esse factum. Si hanc quę subinde uitarias, non potest quidem certa tradi, quando per Euangelistam nulla est expressa. facile tamen colligi poterit, si circumstantiae expendantur, noluisse Dñm malitiosis Sacerdotum consilijs locum dare. Nocturnum siquidem tempus, quantumuis ad quietem datum sit mortalibus, ab improbis tamen hue rapi solet, ut quæ per diem uel pudore uel metu tentare non audent, noctu aggrediantur: id quod in eo quoq; patuit, quod Dominum sacerdotes missis satellitibus noctu ceperunt. Cū itaq; tempus nondū adesset, à patre passioni future destinatū, impij uero sacerdotes ac pharisei uitæ ipsius insidiarentur, noluit illis ancam aliquam & occasionem, quod cupiebant, tentandi extra suscepitā docendi prouinciam dare. Poterat & noctu perinde ac per diem tutus in urbe morari: uerū sicut aliquoties secessu furorem inimicorū declinauit, ita & hoc loco facere uoluit. Sit nobis hoc exempli uice præscriptum, ut caueamus & ipsi, ne quam deinus impij hominibus occasionem, extra necessariam iniuncti muneris functionē, quæ malè cogitant, malignius tentandi.

2 Quod uero non simpliciter Hierosolymā uesperi egressus est, sed in montem perrexit: si id orandi gratia fecit, quemadmodum plerisq; uidetur, quærendum uenit, quare in monte orare, idq; noctu uoluerit, cum per diem hoc, & in templo facere potuerit: præsertim cum templo hoc, domus esset & Dei, & orationis, etiam Christo ipso teste. Non uetuit orare Dominus in templo hoc populi Dei, neq; illicirum duxit per diem orare: uerū exemplo suo nos docuit, adesse tempus, quo ueri adoratores patrem nec Hierosolymis, nec uspiam aliās, tanquam sacratis locis, sed in spiritu & ueritate fuerint adoraturi. quā de re uide suprà cap. 4. Ad hec nō esse commodius orandi tempus, quām nocturnum: de quo uide in commentarijs meis supra Matthæum, cap. 6. ubi de oratione agitur. Nec conuenit ministro Dei, ut tempus diurnū, quo verbi incumbendum est prædicationi, orationi deputet: cum noctu commodius orare queat.

Id quod contra eos potissimum admonere uolui, qui cum noctu libidini carnis seruant, interdiu nescio quam religionem ac deuotionem (ut uocant) erga Deum orando, imò non orando, sed uel boando in templis, uel murmurando simulant.

3 Quòd præterea non in quemuis, sed oliuarum monte pro consuetudine sua egressus est, & ipsum non est temerè factum. Sciebat dubio procul, in hoc ipso monte initium futurum passionis suæ. nam in eo postea captus est, sicut Lucæ 22. memoratur. Quapropter singulari studio, orandiq; sedulitate, eum sibi locū aliquandiu antea peculiarē reddidit, ut postea conspicuum esset, ad hoc se mortis genus præmissa meditatione non inuitum, sed sponte ac scienter accessisse. Discamus & nos ea loca, in quibus tandem ex hac uita migraturi sumus, singulari studio colere: quo per huiusmodi futuræ mortis præmeditationem, ad migrandum ex hac uita paratores & instructiores reddamur. Expende etiam allegoriam huius loci. Christus perrexit in montem Oliuarū. Mons Oliuarū, cœlestis gratiæ regnum est. Oleum, unctiōnis spiritus sancti typū habet. In hoc monte regnat Christus, ut fuos ungat oleo spiritus sancti, & ueros Christos, id est, uncios faciat.

**Non deserit
Christus gregē
suum.**

(Et diluculo iterum uenit in templum.) Notanda est hæc diligentia Christi. Tanquā diligens pastor, ouiculas quas pascere cœperat, diluculo inuisit. Sciebat populi diligentiam & auditatem audiēdi doctrinam regni cœlorum. Huic deesse nolebat. Expressum itaq; nobis est hoc loco, boni pastoris ac doctoris ingenium. Ruunt & pontificij, canonici, & monachi diluculo in tēpla: uerū haud eo animo & fine, quo Christus. Christus populi gratia, templum Iudaicum diluculo reuisebat: isti quid quærant, nouit orbis.

**Imago prioris
ecclesiae.**

(Cunctusq; populus uenit ad eum.) Pulcherrima est hæc prioris ecclesiæ imago, quam obiter saltem obseruandā iudico. Audis hic populum, audis hunc uenire, audis ad Dominū uenire, audis cunctū, & (ut in Luca est) diluculo uenire. Primū, in populo promiscua multitudo est. Nulla fit hic principum, seniorū, scribarū, & phariseorū mentio. Popularis erat ecclesia Christi. Primitiæ illius ex infimæ sortis hominibus collectæ fuerunt. sicut & in Paulo 1. Corin. 1. uidere est: ubi simul & consiliū Dei ea in re declaratur. Accesserunt temporis successu tandem & magnates, principes, nobiles, potentes, docti, ac sapientes. Sed quid horum accessio ecclesiæ contulerit, non est opus ut admoneam: cum id res ipsa declaret, & Hieronymus etiā suo tépore agnoscere coactus sit. Is enim in uita Malchi monachi mox ab initio sic scripsit: Scribere, inquit, disposui ab aduentu Saluatoris usq; ad nostram ætatem, id est ab apostolis usq; ad nostri temporis fecem, quomodo & per quos Christi ecclesia nata sit, & adulta, persequitionib. creuerit, martyrijs coronata sit. Et poftq; ad Christianos principes uenit, potentia quidē & diuinitatis maior, sed uirtutibus minor facta sit. Hæc ille.

**Feruor populi
ad audiendum
uerbum Dei.**

2 Deinde, populus, inquit, uenit. Quis hunc uocauit? quis coegit? imò quis ex principibus & primorib. populi non prohibuit? Trahebantur scilicet à patre partim, partim rei nouitatem fateor, & quadam curiositate ducebantur. Res agebatur tamen diuinitus. Sentiebat populus aliquid geri magni, unde ad istam audiendi auditatem permouebantur. Simile quid nostris temporibus uidimus: & in eis locis etiamnum uidetur, quibus euangelicæ doctrinæ puritas recens traditur: id quod pontificijs stomachum supra modum cōmouet. Queruntur sua sacra reddi desolata, neminem sponte sua accedere. Hinc passim ui & atrocibus edictis miseramente plebem in sua templo cogunt. Quid putabimus esse in causa? proponunt populo non sacerdotem Christi doctrinam, sed suas saliuas. Respondeatur illis, sicuti quandam episcopum canonicis suis respondisse ferunt. Quin prædicatis & uos Euāgelium Christi, si uultis ut ad uos quoque accedat populus.

3 Tertio, ad quem uenit populus: uenit, inquit, ad eum. Quare ad templum uenerit, & quid in illo quæsierit, exprimitur hac particula. Sacrificabatur in templo, aderant sacerdotes, scribæ & pharisei, qui pro pastoribus habebantur populi Dei. quid cause est, quod ad hos non accedunt, sed ad Christum uenient? Erat hic uerus pastor. Non quærebat semetipsum, sed populi salutem. Itaq; uocem illius tanquam ouiculæ agnoscunt: & alienorum, quos antea putauerant ueros esse pastores, fugiunt.

**Feruor audien
di uerbi Dei
nō diu durat.**

4 Quartò, ueniunt ad eum frequentissimo occurſu & diluculo: Cunctus, inquit, populus uenit ad eum. Ethæc particula singularem quandam ductum simplicioribus ac plebeis hominibus passim diuinitus inditum, & simul præcipuum quandam feruorem exprimit. Duravit uterq; inter ipsa regni Christi primordia, tantisper dum vires accepit Euāgelica doctrina: postea uero obfriguit hic feruor & actus, id quod & Apostolus 2. Tim. 4. prædixit. Erit tempus, inquit, quo sanam doctrinā nō sustinebunt, sed ad sua desideria coaceruabunt sibi magistros, prurientes auribus, & à ueritate quidam auditum auertent, ad fabulas autem conuertentur. Tale quid & hoc nostro seculo uidimus. Erat initio incredibilis quidā impulsus & ardor audiendi Euāgelium Dei, ita ut cunctus populus, idq; quotidie & diluculo, ad conciones aduolaret, nec ullis remoris impediri posset. Habuit hic accusus suam rationem coram Domino, deinde & certum quandam usum in Ecclesia: interea prædicata & audita est ac propagata ueritas Christi, alijs ad salutem & uitā, alijs ad perditionem & mortem. Iam restinētus est passim hic ar-